


SECONDARIA DI 1° GRADO DI FAEDIS
ANNO SCOLASTICO 2017/18 CLASSI 3ª E 2ª



CURTE STORIE ILUSTRATE DAL FRIÛL
DE NASSITE DAL PATRIARCJÂT
A LA ANESSION AL REAM DE ITALIE

PRESENTAZION

La nestre regjon e à une storie une vore complicade e dispès dolorose, tantis voltis pôc tratade intai libris di scuele.

Intal ambit dal Progjet Regjonâl de Lenghe Furlane o vin pensât di svilupâ un percors di cognossince dai principâi moments de storie dal Friûl, partint de nassite dal Stât Patriarcjâl, e di cognossince dal nestri teritori fasint cualchi riferiment a la storie dai nestris cjistiei.

IL FRIÛL INTE ETE DI MIÊÇ

La storie dal Friûl e je avonde complesse, ancje par vie de sô posizion gjeografiche a Nordest de Italie.

Al fo il Patriarcjât di Aquilee a dâ unitât a lis popolazions che a vivevin fin dal 500 (daspò dal passaç dai Uns) e al fo Carlo Magno in persone a concedi la plene autonomie al patriarcje di Aquilee, uficializant la sô autoritât intal 792.

In chel timp imperadôrs, res e feudataris si combatevin tra di lôr e e jere une vore fuarte la lote pes invistiduris jenfri l'Imperadôr e il Pape, ducj i doi convints di vê un podê universâl. La nassite dal Patriarcjât di Aquilee si încrose propit cu la storie di un Imperadôr, Enríco IV, e di un Pape, Gregorio VII.



IL JUTORI DÂT DAL PATRIARCJE AL IMPERADÔR ENRICO IV

L'Imperadôr Enrico IV al jere stât scomunicât dal Pape e cualchi feudatarî todesc nol ricognosseve plui la sô autoritât. Al scugnì lâ a domandâ scuse vîstût da pînitent al cjístiel di Canossa, dulà che al jere il pape Gregorio VII ospît de contesse Matilde.

Dopo di trê dîs Enrico IV al fo assolt e perdonât e al podè tornâ in Gjermanie ma il sôl che lu lassà passâ pal sô teritori al fo il Patriarcje di Aquilee.

WER WEIB, OB DER
PATRIARCH MIR
ERLAUBT, SEIN
EIGENES GEBIET ZU
ÜBERQUEREN!



IN NOMINE DEI EGO,
GREGORIUS VII PONTIFEX
TIBI VENIAM DO QUOD TE
MIHI SUBMISISTI, SED NUNC
REDI STATIM IN GERMANIAM



3 DI AVRÎL 1077: NASSITE DAL STÂT PATRIARCJÂL


Enrico IV al tornà a cjapâ il control dal Imperi gracie
al Patriarcje di Aquilee che i veve permetût di passâ pai
siei teritoris.

In segn di ringraciament il 3 di Avrîl dal 1077
l'Imperadôr Enrico IV al de al Patriarcje Sigardo la
invistidure feudâl.

Duncje il 3 di Avrîl dal 1077 al segne la date de nassite
dal Stât patriarcjâl.


EGO, HEINRICUS IV
IMPERATOR SRI, TIBI,
PATRIARCHAE SIGEARDU,
PREMIUM PRO TUA FIDELITATE
DO ET FEUDI AGUILEIAE
DOMINIUM TIBI TRADO

VIVE!! VUÊ AI
3 DI AVRIL DAL
1077 AL NAS IL
STÂT PATRIARCJÂL



IL PATRIARCJE DI AQUILEE, OM DE GLESIË E PRINCIP DAL IMPERI

I Patriarcjîs di solît a jerin nobû di divîgnince todescje, cussî a forin clamâts Patriarcjîs ghibelîns. Il Patriarcje al à in se la massime autoritât eclesiastiche e civîl. Come om de Glesie al jere sometût al Pape (învistidure a Aquilee), come princip al jere sometût al Imperadôr e al veve plene sovranitât sui siei teritorîs: monede, justizie, tassîs... (învistidure a Cividât). I siei simbuli a jerin la spade e il pastorâl.



IL TERITORI DAL PATRIARCJÂT

Il Patriarcjât di Aquilee al jere un feut di grandis dimensions. Al governave sore il teritori dal Friûl ancje la Istrie e la Carniole (la Slovenie di vuê).

I Patriarcjis a clamarin in Friûl cetancj nobûi todescs, a lôr fedêi, ju faserin diventâ vassai e ur derin il permès di costruî inte zone pedemontane tancj cjistiei par controlâ e difindî il teritori. E cussì a nasserin ancje i cjistiei di Atimis, Partistagn, Cucagne e Sofumberc.

Raetia

Noricum

Pannonia

Venetia

Augustum
(Lienz)

Aquileia

Emona
(Ljubljana)

Celeia
(Celje)

Savia

Histria

Dalmatia



I LÛCS DI RESIDENCE DAL PATRIARCJE


*Il Patriarcje, che la sô sede principâl e jere in principî
Aquilee, in realtât al steve dispès a Cividât o a Udin.
Al podeve ancje lâ intun dai siei cjistiei come chel di
Sofumberc.*




I SOFUMBERCS, UNE FAMEE LEADE AL PATRIARCJE

Il cjístiel di Sofumberc, non che al ven dal todesc e che al vûl dî «mont a spîç», al fo comprât come dimore dal Patriarcje pe bielece dal paisaç e pe vicinance a Cividât e a Udin.

Il Patriarcje lu destinà come feut a une famee feudâl a lui fedêl che e cjapà il non di Sofumberc.



SOFUMBERCS



IL PARLAMENT DE PATRIE DAL FRIÛL

Fin dal XII secul al nassè il Parlament de Patrie dal Friûl, une assemblee consultive dai nobî e dal clero, convocate dal Patriarcje di Aquilee par domandâ gnûfs contribûts in monede e in oms di armis. In curt, dongje dai nobî e dai ecclesiastics, a parteciparîn ancje i rapresentants dai Comuns.



I SIÔRS DI FAEDIS

Une des fameis sioris pluî impuartantis de epoche patriarcjâl a forin i siôrs di Faedis, che esercitarin la incarghe di «cjamerans» dal Patriarcje.


Za intal XI secul il Patriarcje Popone al concedè a un siôr de Carinzie come lui, Odorico di Auspergh, il permès par fâ sù une tor-masti par controlâ e difindî il teritori di Faedis.

IN NOMINE DEI EGO POPONE,
FEUDI AQUILEIAE PATRIARCHA,
TE, ODORICO VON ASPERGH,
MEUM VASSALLUM CREO ET
TIBI CONCEDO UT CASTELLUM
AEDIFICET




LA POSIZION STRATEGJICHE DAL CJISTIEL DI FAEDIS

*Il masti al fo costruît adalt, intun puest strategjic che
al consentive il total control de valade dal Grivò.*




*Daspò il cjistiel si ingrandì cu la costruzion di une
«domus» fortificade.*



LA FAMEE DAI CUCAGNE

*I nobiù di Faedis tal 1142 a çaparín il non di
«Cucagne» dal furlan «cuc», val a dî çuc, culine.
Jessint feudataris ministeriâi, çamerans, a vevin
l'impuartant compit di custodî i tesauris de Glesie di
Aquilee.*




NOALTRIS
SIMPRI A
SFADIÂ E I
SI ÎORS LĂ
SÙ SUL
ÇUC A Â
POLSĂ

SUL ÇUC?
CLAMINJU!
CUCAGNE!

1326: LA EMANAZION DAL STATÛT DI FAEDIS

Il 25 di Mai dal 1326 al fo scrit inte cjase comunâl e daspò proclamât dal podestà Gjerart di Cucagne il Statût di Faedis, un complès di normis che a regolavin la vite dai abitants dal teritori dai Cucagne. Dome in câs di omicidi e jere previodude la pene di muart cun decapitazion in place.



IL STATÛT DI FAEDIS: REGULIS PAR UNE CONVIVENCE PLUI CIVÎL

*La maiôr part da lîs penîs a prevîodevîn dome amendîs
in bêçs, parcè che la presonie e varès compuartât un
cost pe comunitât.*

*Tantis normis a rîvuardavîn la tutele di diviers aspîets
de vite de comunitât, dal no fâ dams a lîs personis al
preservâ la purece da lîs aghis dal torent Grivò.*



PAIAMENT DI 40
DENÂRS PAR VÊ
LAVAT LAS PIELS
INTAL GRIVÔ.

PAIAMENT DI 20
DENÂRS PAR VÊ
DÂT UN PATAF.

PAIAMENT DI 8
DENÂRS PAR VÊ
DÂT UN PUGN.



DAI CJISTIEI A LIS VILIS IN PLANURE

Dal XV secul, cu la discuvierde des armis, i cjistiei a pierderin la lôr funzion difensive e i nobiû ju bandonarin par stâ intai pluî comuts e ospitâi palaçs di planure.

Ancje i Siôrs di Cucagne a lerin a stâ inte Vile Freschi a Ronçjîs, là che ancje i siôrs di Partistagn a faserin costruî la omonime vile.



1420: LA FIN DAL STÂT PATRIARCJÂL E LA SUDIZION A VIGNESIE

Vie pai secuî il Stât patriarcjâl, blocât des azions expansionistichis de Republiche di Vignesie e dai Asburgjics de Austrie, si indebîlî ancje par vie des lotis tra Cividât, sostignude dal patriarcje, e Udin, sostignude de famee dai Savorgnans, a sô volte judade dai Venezians.

Intal 1420 e finì la autonomie dal Stât patriarcjâl dopo la conquiste dal Friûl de bande de Republiche di Vignesie.



1499: LA PLUI DISTRUTIVE INVASION DAI TURCS IN FRIÛL

Inte seconde metât dal '400 ancje il Friûl al à patît lis tremendis incursions dai Turcs che i venezians no rivarin a fermâ.

La pluî distrutive invasion e fo intal 1499 cuant che i Turcs si slargjarin vie pal Friûl distruzint centenârs di paîs e a causarin la muart di a di pôc 25000 personis.



UN AN TREMENT: IL 1511

Il 1511 al fo un an trement: e fo la rívolte dai contadins e l'assalt ai cjístiei (joibe grasse), un teribil taramot (26 di Març) e une gnove epidemie di peste.

1511: PESTE E TARAMOT



1511: LA RIVOLTE DEI CONTADINI E L'ASSALT AI CASTELLI



LA DOMINAZION VENITE E LA COSTRUZION DI PALME


La Republiche di Vignesie no si interessà tant dal Friûl, considerantlu soredut come une «zone cussinet» inviers dai Turcs e dai Asburgjics e come poç di tassis e legnam, che al jere siôr.

Intal 1593 i venezians, preocupâts di rinfuarça i confins, a fondarin la gnove fuartece di Palme cu la peculiâr plante a stele a nûf pontis.

VIGNESIE



PALME




1797: LA CONQUISTE FRANCESE E LA CESSION A LA AUSTRIE

Intal 1797 Napoleon, durant la Campagne di Italie, al corè daûr dai austriacs passânt par il Friûl e metintlu a sac.

Il 17 di Otubar 1797 cul tratât di CjampFuarmît Napoleon al lassà il Friûl al imperi asburgjic in cambi de Lombardie.

1797: NAPOLEON CORE D'AÛR DAI AUSTRIACS
PASSÂNT PAR IL FRIÛL



1797 (17 DI OTUBAR): NAPOLEON AL LASSÂ IL
FRIÛL AL IMPERI ASBURGJIC, TRATÂT DI
CJAMPFUARMIT




1866: IL PASSAÇ AL REAM DE ITALIE

Intal 1866, daspò de tierce vuere di indipendence, il Friûl, che prime al apartignive al Imperi de Austrie, al jentrâ a fâ part dal Ream de Italie cul Venit.



PRIME DAL 1866



DASPÒ DAL 1866

TABELE

IL FRIÛL INTE ETE DI MIEÇ
IL JUTORI DÂT DAL PATRIARCJE AL IMPERADÔR ENRICO IV
3 DI AVRÎL 1077: NASSITE DAL STÂT PATRIARCJÂL
IL PATRIARCJE DI AQUILEE, OM DE GLESIE E PRINCIP DAL IMPERI
IL TERITORI DAL PATRIARCJÂT
I LÛCS DI RESIDENCE DAL PATRIARCJE
I SOFUMBERCS, UNE FAMEE LEADE AL PATRIARCJE
IL PARLAMENT DE PATRIE DAL FRIÛL
I SIÔRS DI FAEDIS
LA POSIZION STRATEGJICHE DAL CJISTIEL DI FAEDIS
LA FAMEE DAI CUCAGNE
1326: LA EMANAZION DAL STATÛT DI FAEDIS
IL STATÛT DI FAEDIS: REGULIS PAR UNE CONVIVENCE PLUI CIVÎL
DAI CJISTIEI A LIS VILIS IN PLANURE
1420: LA FIN DAL STÂT PATRIARCJÂL E LA SUDIZION A VIGNESIE
1499: LA PLUI DISTRUTIVE INVASION DAI TURCS IN FRIÛL
UN AN TREMENT: IL 1511
LA DOMINAZION VENITE E LA COSTRUZION DI PALME
1797: LA CONQUISTE FRANCESE E LA CESSION A LA AUSTRIE
1866: IL PASSAÇ AL REAM DE ITALIE